

आकाशवाणी

- प्रधानमंत्री नरेंद्र मोदी होरें वैश्विक अर्थ बवस्था गी अगड़ा बदाने लेई मेक इन इंडिया दी कामयाबी दी कहानी दी बड़ेयाई कीती ऐ।
- हरियाणा सरकार पुलस, खनन ते जेल विभागें दे किश ओहदें च भर्ती लेई अग्निवीरें गी सिद्दे 10 फीसद आरक्षण देग।
- केंद्री स्वास्थ्य मंत्री जे.पी नड्डा होरें दवा, कास्मेटिक ते मेडिकल उपकरण विनियम पर समीक्षा बैठक लैती।
- केंद्री मंत्री डॉ. जितेंद्र सिंह होरें सौआस्थ्य दिक्खभाल क्षेत्र च बेहतरी आहने लेई ए.आई ते मशीन लर्निंग टूलें दे इस्तेमाल पर लौहू पाई।
- केंद्री मंत्री डॉ. मनसुख मांडविया होरें राश्ट्रीय युवा एवं राश्ट्रीय सेवा योजना पुरस्कार विजेताएं कन्नै गल्लबात कीती।
- आगामी पेरिस ओलम्पिक लेई भारत दे दल गी खेडू मंत्रालय नै मंजूरी देई दिती ऐ।

<><><><><><>

PM-Make in India

प्रधानमंत्री नरेंद्र मोदी होरें सोशल मीडिया पर इक्क पोस्ट च दस्सेया ऐ जे किस ढंग्गै कन्नै मेक इन इंडिया भारत दी अर्थ बवस्था गी वैश्विक मंच पर अगड़ा बदा करदा ऐ। सोशल मीडिया पर सांझी पोस्ट च मेक इन इंडिया दी झलक दस्सदे होई खलासा कीता गेआ ऐ जे दुनिया भर च भारती सैकलें दी मंग होआ रदी ऐ। बरतानिया, जर्मनी ते नीदरलैंड्स च निर्यात बदेया ऐ। पोस्ट मताबक बिहार च बने दे जुत्तें दा इस्तेमाल हुन रूसी सेना करा करदी ऐ। एहू इक्क मील दा पत्थर ऐ जेड़ा अंतरराश्ट्री रक्षा बजारें च भारत दे बदा रदे असर ते क्षमताएं दे म्यार गी दस्सदा ऐ। अमेजान दी ब्लैक फ्राइडे ते साइबर मंडे बिक्री च भारती उत्पादें दा दबदबा बने दा ऐ। कामयाबी दी एहू कहानी भारत च तैयार चीजें-बस्तें दी अंतरराश्ट्री मंग ते वैश्विक ई-कामर्स बजारें च भारत दी बदा'रदी पैठ गी दस्सदी ऐ।

<><><><><><>

Haryana-Agniveer

हरियाणा सरकार पुलस, खनन ते जेल विभागें च किश पदें च अग्निवीरें गी 10 फीसद क्षैतिज आरक्षण प्रदान करोग। चंडीगढ़ च अज्ज इक प्रेस कांफ्रेंस च एहदी घोषणा करदे होई प्रधानमंत्री नायब सिंह सैनी होरें आखेआ जे हरियाणा च कांस्टेबल माइनिंग गार्ड, फारेस्ट

गार्ड ते एसपीओ दे औहदे पर सिद्दी भर्ती च अग्निवीरें गी 10 फीसद आरक्षण प्रदान कीता जाग। उनें आखेआ जे गुप डी च भर्ती च अग्निवीरें दी आयु सीमा त्रै बरे दी छूट बी दित्ती जाग ते पैहले बैच दे लेई एह छूट 5 बरे होगा।

<><><><><><>

Kolkata-Minister of Power

केंद्री उर्जा मंत्री मनोहर लाल खट्टर होरें अज्ज कोलकाता च दामोदर घाटी निगम DVC मुख्यालय च इक उच्च स्तरीय बैठक दी प्रधानता कीती। खट्टर होरें दस्सेया जे दामोदर घाटी निगम भारत दी पैहली मतमे मकसदी नदी परियोजना ऐ ते एह मुख्य दी तरक्की च योगदान देआ रदी ऐ। बैठक च डीवीसी दे चेयरमैन एस. सुरेश हुंदे समेत होर दुए बड्डे अधिकारिण हिस्सा लैता। मंत्री होरें बिजली क्षेत्र च बार-बार बरतोने आली उर्जा दी हिस्सेदारी बढाने पर जोर दित्ता। एहदे बाद उर्जा मंत्री शैहर च बी शामिल होए। समीक्षा बैठक च भारतीय जनता पार्टी दे प्रदेश अध्यक्ष ते केंद्री शिक्षा राज्यमंत्री डॉ. सुकांतो मजूमदार बी मौजूद हे।

<><><><><><>

Nadda-Review

सुआस्थ ते परौआर कल्याण मंत्री जे.पी नड्डा होरें देसा दी विश्व स्तरीय औषधि विनियामक रूप-रेखा तैयार करने पर जोर दित्ता ऐ जेड़ा देसा दी प्रतिष्ठा कन्नै मेल खाए। उनें उत्पादें दी उच्चतम गुणवत्ता यकीनी बनाने लेई फार्मा ते चिकित्सा उपकरण उद्योग दे कन्नै बरोबर संवाद पर बी जोर दित्ता। केंद्री सेहत मंत्री जगत प्रकाश नड्डा होरें अज्ज नमीं दिल्ली च केंद्री औषधि मानक नियंत्रण संगठन सी.डी एससीओ दे अफसरें कनै इक्क समीक्षा बैठक लाई। बैठक दौश्रान सेहत मैहकमे दी सचिव अपूर्व चंद्रा ते होर दुए आला अफसर मौजूद हे। सी.डी एस.सी.ओ देसै च औषधि, चिकित्सा संदरें ते कास्मैटिक समेयान दे दे म्यार ते सुरक्षा गी कंट्रोल करदा ऐ। श्री नड्डा होरें इस महीने दे रम्भ च राश्ट्री सेहत प्राधिकरण दे आला अफसरें कन्नै आयुष्मान भारत प्रधानमंत्री जन आरोग्य योजना ते आयुष्मान भारत डिजिटल मिशन दी बी समीक्षा कीती ही।

<><><><><><>

Jiterder Singh Health Clinic

सखल्लै ते किफायती सुआगत सेवा लेई नमीं टेक्नोलाजी दे इस्तेमाल पर जोर दित्ता ऐ। उनें आखेआ जे टेक्नोलाजी सुआस्थ्य सेवा क्षेत्र च क्रांति लेया करदी ऐ ते आर्टिफिशल इंटेलीजेंस ते मशीन लर्निंग उपकरणें दे एकीकरण कन्नै क्षेत्रा च शानदार बाद्दा होई सकदा ऐ। विज्ञान ते टेक्नोलाजी राज्यमंत्री डॉ. जतिंद्र सिंह होरें कल फरीदाबाद च एशिया दी पैहली सेहत अनुसंधान सरबन्धी प्री क्लिनिकल नेटवर्क स्थूलत THSTI सेहत ते टेक्नोलाजी संस्थान दा उद्घाटन कीता। विज्ञान ते टेक्नोलाजी मंत्रालय मुजब एह सुविधा संसार भरै च नौमी ते

एशिया च पैहली ऐसी सुविधा ऐ। डा. जतिंद्र सिंह होरें शोध संस्थानें, युनिवर्सिटयें ते गी सूक्ष्म जीवी संस्कृति प्रदान करने ते इक्क भंडार दे तौरा पर कम्म करने लेई संग्रह जी ह्यूमिक सहूलत दा उद्घाटन कीता। डॉ. सिंह होरें मंत्रालय तैहत जैव प्रौद्योगिकी विभाग आस्सेआ टीका विकास ताई निजी क्षेत्र कन्नै इक्क दर्जन शा बद्द समझौता पत्रें पर बी दस्तखत कीते।

<><><><><><>

Prez. Speech Book

राष्ट्रपति द्रोपदी मुर्मू हुंदे कार्जकाल दे पहले बरे दे 75 महत्वै आहले भाषणें गी संकलित करने आहली कताब 'विंग्स टू अवर होप्स' दे पैहले खंड गी कल नमीं दिल्ली च जारी कीता जाग। कृषि मंत्री शिवराज सिंह चौहान होर इस ई-बुक दा विमोचन करंगन। इस मौके सूचना ते प्रसारण मंत्री अश्विनी वैष्णव होर बी मौजूद होंगन। प्रकाशन सीगे आस्सेआ प्रकाशित एह कताब हिंदी ते अंग्रेजी दौनें भाषाएं च उपलब्ध होग।

<><><><><><>

Jai-Shankar Mauritius

विदेश मंत्री डॉक्टर एस. जयशंकर होरें अज्ज मॉरीशस दे साबका प्रधानमंत्रियें नवीन रामगुलाम ते पॉल बरेंजर हुंदे कन्नै मलाटी लाई। डॉक्टर राम गुलाम हुंदे कन्नै लग्गी दी मलाटी दौरान डॉक्टर जयशंकर होरें दपक्खी पक्की सांझेदारी बदाने आस्तै बचनबद्धता जाहिर कीती। श्री पॉल बरेंजर हुंदी बैठक बारै विदेश मंत्री होरें दस्सेया जे उनें मौजूदा मुद्दें पर सार्थक गल्ल कथ कीती।

<><><><><><>

Ashoorā E-Muharram

देसा दे बक्ख-बक्ख हिस्सें च शहादत दे तौरा पर अशूरा-ए-मुहर्रम मनाया जा'रदा ऐ। एह ध्याड़ा पैगम्बर मोहम्मद हुंदे पोते हजरत इमाम हुसैन हुंदी शहादत दा प्रतीक ऐ जिनें कर्बला च सच्चाई लेई अपनी जिंदू गी न्यौछावर करी दिता हा। ताजिया जलूस इस मौके पर कड्डे जा रदे ना। दिल्ली च जामा मस्जिद, निजामुद्दीन, ओखला ते महरौली सने बक्ख-बक्ख थाहरें पर मुहर्रम जलूस कड्डे जा रदे ना। दिल्ली दी ट्रैफिक पुलिस नै ताजिया जलूस दे मद्देनजर ट्राैफिक परामर्श जारी कीता ऐ। देसा च सुरक्षा दे व्यापक बंदोबस्त कीते गेदे ना।

<><><><><><>

Mandviya-Awareness

युवा मामले ते खेड्डू मंत्री डॉ. मनसुख मांडविया होरें आखेआ ऐ जे देसा दे युवा भविक्ख दे फैसले लैने आहले ना। उनें दोहराया जे सरकार बक्ख-बक्ख योजनाएं ते कार्यक्रमें दे माध्यम

कन्नै युवाएं गी सशक्त बनाने लेई बचने बज्झी दी ऐ। मंत्री होरें अज्ज नमीं दिल्ली च राश्ट्रीय युवा पुरस्कार विजेताएं ते राश्ट्रीय सेवा योजना एनएसएस पुरस्कार जुत्तुएं कन्नै गल्लबात कीती। गल्लबात दौरान डॉ. मांडविया होरें मेद बुज्झी जे युवाएं गी परिवर्तनकारी शक्ति, देसा गी तरक्की ते नवाचार भेठा लेइये जाग। सत्र दा मकसद इनें युवा नेताएं दी उपलब्धिएं दा जश्न मनाना ते My Gov गी बढाने लेई रणनीतिएं पर चर्चा करना हा। युवा मामलें ते खेड्डू मंत्रालय मताबक चर्चा दा महत्वपूर्ण हिस्सा माई भारत मंच पर रचनात्मक युवा जुडाव लेई अविनव ते सहयोगी विचारें पर केंद्रति हा। डॉ. मांडविया होरें पुरस्कार विजेताएं थमां सुझा मंगे न जे मंच गी होर मता संवादात्मक सूचनात्मक ते आकर्षक कियां बनाया जाई सकै।

<><><><><><>

Rijju-Yatra

संसदीय कार्य ते अल्पसंख्यक मामलें दे मंत्री किरें रिज्जु होरें अज्ज बालटाल आधार शिविर दा दौरा लाया ते इस बरे दी चला करदी श्री अमरनाथ जी दी जात्तरा पर औने आहले श्रद्धालुएं गी दिती जा'रदी स्थूलतें दा जायजा लैता। श्री रिज्जु अज्ज बड्डुलै बालटाल पुज्जे ते यात्रा दे छोटे रस्ते पर श्रद्धालुएं लेई सुरक्षा, सेहत ते होर दुइयें स्थूलतें सने प्रबंधें दा जायजा लैता। केंद्री मंत्री हुंदे सोशल मीडिया अकाउंट पर इक्क वीडियो च उनेंगी बालटाल पर छतरी पकड़े दे प्रबंधें दा जायजा लैदे होई दस्सेया गेदा ऐ। मौके पर मौजूद अफसरें मंत्री होरें गी सुचारू ढंगै सिर चलै रदी यात्रा ते यात्रुएं गी उपलब्ध करोआई जा'रदी स्थूलतें बारै जानकारी दिती। 52एं दिनें तगर चलने आहली इस बरै दी यात्रा 29 जून गी रम्भ होई ही। अजें तगर 3 लक्ख 30 ज्हार शा बद्द यात्रु शिवें दे हिमलिंगम रूप च दर्शन करी चुके दे न।

<><><><><><>

Niti Ayog

सरकार नै नीति आयोग दी बनावट गी नमें सिरेआ तैय कीती ऐ। राई-बाई सरबन्धी मंत्री शिवराज सिंह चौहान, रक्षा मंत्री राजनाथ सिंह, गृहमंत्री अमित शाह ते खजाना मंत्री निर्मला सीतारमण होरेंगी ओहदे मुजब मेम्बर दे तौर पर शामिल कीता गेआ ऐ। सरकार दी इक्क अधिसूचना मुजब शिडक ट्रांसपोर्ट ते जरनैली शिडकें सरबन्धी मंत्री नीतिन गडकरी, सेहत मंत्री जगत प्रकाश नड्डा, फौलादू सरबन्धी मंत्री एच.डी कुमारस्वामी, एम.एस.एम.ई मंत्री जितिन राम मांझी, पंचैती राज मंत्री राजीव रंजन सिंह सामाजिक न्या ते अिकारिता मंत्री डॉ. विरेंद्र कुमार, सिविल हवाबाजी मंत्री के. राममोहन नायडू, जनजाति मामले सरबन्धी मंत्री जूअल ओराम, महिला ते बाल विकास मंत्री अन्नपूर्वा देवी,

खाने-पीने आहली चीजें गी डब्बा बंद करने सरबंधी मंत्री चिराग पासवान ते प्लानिंग सरबंधी मंत्री राव इंद्रजीत सिंह होरेंगी एहदे च विशेष सादा दित्ता गेआ ऐ। प्रधानमंत्री नरेंद्र मोदी होर नीति आयोग दे अध्यक्ष बने दे रौहंगन जदकि सुमन बेरी उपायधक्ष दे तौर पर जुम्मेबारी संभालदे रौहंगन। पूरे चिरै आहले मिम्बर न वी.के सारस्वत प्रो. रमेश चंद, डॉ. वी.के पाल ते आनंद वीरमनी।

<><><><><><>

Indian-Olympics

खेड्डु मंत्रालय नै औंदी पेरिस ओलंपिक खेड्डुं च हिस्सा लैने आहले भारतीय दल गी मंजूरी देई दित्ती ऐ। इस दल च 117 एथलीट ते सहायक अमले दे 140 सदस्य शामिल न जेदे च कई अधिकारी बी न। ओलंपिक खेड्डुं इस म्हीने दी 26 तरीक सवां शुरू होआ करदियां न, अगले म्हीने दी 11 तरीक गी एहदा समापन होग। खडारियें दी सूची च सब्बनें कोला मते 29 नां शामिल न। निशानेबाजी च 21 ते हाकी च 19 जने शामिल न। टेबल टेनिस च 8 खडारी नुमाइंदगी करंगन जेल्ले के बैडमिंटन च 7 मकाबलेबाज न। एहदे च दो बारी ओलंपिक च तगमा जित्ती चुकी दी पी.वी सिंधू बी शामिल ऐ। कुश्ती, तीरंदाजी ते मुक्केबाजी च 6-6 नुमाइंदे न, गोल्फ च 4 ते टेनिस च 3 खडारियें दे नां न।

<><><><><><>